

Izrael uhapsio šefa palestinskog parlamenta

20 Jan 2012 Izmijenjeno 07:32 CET

Član Hamasa Aziz Dweik ranije je zatvaran zbog navodne umiješanosti u hapšenje izraelskog vojnika Gilada Shalita



Dweik je lišen slobode na kontrolnom punktu izraelske vojske [EPA]

Izraelska vojska je u uhapsila predsjednika palestinskog parlamenta Aziza Dweika, član Hamasa na okupiranoj Zapadnoj obali, pod sumnjom da je povezan s terorističkim skupinama, saopćili su izraelska vojska i direktor njegovog ureda. Dweik je ranije ove decenije proveo tri godine u izraelskom zatvoru pod optužbom da je povezan sa hapšenjem izraelskog vojnika Gilada Shalita, kojeg su snage Hamasa zarobile 2006. Dweik je uhapšen na kontrolnom punktu izraelske vojske u Džabai, između Ramalaha i Jerusalema na putu u Hebron, precizirao je direktor ureda Baha Jusef.

Optužbe protiv Izraela

Hamas je optužio Izrael da nastoji spriječiti suparničke palestinske organizacije Hamas i Fatah da provedu sporazum o ujedinjenju. U maju je Dweik zaustavljen na kontrolnom punktu izraelske vojske na okupiranoj Zapadnoj obali s još trojicom Hamasovih zastupnika. Hamas, koji kontrolira Pojas Gaze, i Fatah palestinskog predsjednika Mahmouda Abbasa, koji nadzire okupiranu Zapadnu obalu postigli su sporazum o pomirenju prošle godine, ali dogovor tek treba biti sproveden.

Prvi zamjenik predsjednika palestinskog parlamenta Ahamd Bahar je u saopćenju ukazao na "Dweikovu otmicu".

Izvor: Al Jazeera